


KAKEROUS A MEKLUNGWL ME A TELETEL



written by Rachel Nabeyama

illustrated by Donald Buchholz and Deby Nakamura

Table of Contents

KAKEROUS A MEKLUNGEL ME A TELETELEL

[A Mik A Mo Er A Skuul](#)

written by Rachel Nabeyama

illustrated by Donald Buchholz

[Tede El Odam](#)

written by Rachel Nabeyama


illustrated by Deby Nakamura

[Ng Klou Ng Kekerei?](#)

written by Rachel Nabeyama

illustrated by Donald Buchholz

A Mik A Mo Er A Skuul




A Mik a di kmeed a blil er a skuul. Se el lorael e ng mo engelakl a teblo el blai. A ongedei er a blai a blil a ta el mechas. A ngklel a Ana.

Se el lebo er a blil a Ana e ng kirel el mo imuul. Ng mo imuul el mo er a katur. Ng ngar er ngii a sers er a bita el rael. Ng betok a kerrekar me a charm. Ng dirrek el ngar er ngii a telelluk er itia el sers.

A ikrel tia el sers a ngar er ngii a rael. Ng rael el mo er a skuul.





A Mik a di blechoel el duob er a skuul.

A delal a ngiluu a babier er a sensei.

Ng kmo, "A Mik a blechoel el duob er a skuul."

"Mik, Ng ko er a di tutau e ke merael?"

Ng ngara me ke di duob er a skuul?"

"Chedil, se el bo kengelakl er a blil a mechas el Ana e ng kmu er ngak me a ak meriik e ng meskak a kelek el berel. Ng dirrek el se el bo kengelakl er a sers e ak mo uldeiuls er a uchul a kerrekar e orrenge a ngerel a charm. A le-bebil e a kumriid a tane e a beab a me kai-tebetobed er a blil. Ng melai a tane el mengang. Ak dirrek e el mo omes a dechedech er a chelsel a telelluk. Se el kbetechii a bad er a chelsel a ralm e ng mo kardekekl."






"Ak kmal mo mechelaod e di obes er a temel a skuul. Ak kmal mo orreched me a ak di mo oleong er a kakine el mo er a skuul. Seikid a uchul e chedei me a ak di duob er a skuul."

Activity

Mlechesii a llecheklel a rael (map) el ochotii a rofel a Mik a lebo er a Skuul. Ng diak moluches er tia el hong. Mousbech er a ngodech el babier.




Tede
el
Odam



Ngak a Ngiracholik.


Ngak a Dirracholik.
A Buikcholik a ngelekam.




Aki rirdelii a Bangikoi.

Aki rirdelii a Sechesech.






Aki tede el odam.
Ak obekul a Bangikoi me a Sechesech.
A Bangikoi me a Sechesech a ochellek.



E a e a ! Kede mekera
a demechiuaiu el ua isei?




Ng diak mosuub er ngak
e le ngak a olik.

Ngak a kuk
bangikoi.



Cho, cho, me ngak
a kuk sechesech.







Ng ko er kau
tia el blitokl.



Ng bai kau
a blitokl.



Bechikid me de kakerous.
Kede bai klebokel.



Klebokel el Belulachad




Se el kumes el meliuekl
E ak mes a kakerous
El teletael
Me a blekeradel.





Ak remenges a
Lengelel a daob
Me a rekel a kerrekar
Me a cheliteklel a charm
Me a ngerel a chull
Ng rokui el di kakerous.






Ak tmungel a bek el bedengel
A ungil el bau
Ng rokui el di kakerous.





Ak chuarm a kakerous
El telemtemul a kall
Ng rokui el di kakerous.



Ak remutech a kakerous el klalo.
Ng rokui el di kakerous.
Ak mo omdasu el kmo
A klekakerous a uchul
Me ng klebokel a BELULACHAD



**NG
KLOU
NG
KEKEREI?**

Aika a klde el ngais.

A chimo ng a klou.

A teblo ng a mekekerei.



Aika a teblo el mlai.

Ng klou me a kekerei.



Tia a torak.

Ng kmal klou.



Aika a kloa el kingall.

A chimo ng a klou.


A kldei a mekekerei.



Aika a kleim el bduu.

A teblo ng a meklou.

A kldei a mekekerei.



Aika a kllolem el meradel.


A teblo ng a meklou.

A kloa ng a mekekerei.



Ng klou el babii.

Ng kekere el babii.



Ng klou el chad.

Ng kekere el chad.



Activity

Bo mnguu a ta er a babier e moluches a nger er kau.

1. Mlechesii a llecheklel (picture) a kot el klou el chad el bla mesang.

Mlechesii a ngklel.

2. Mlechesii a llecheklel (picture) a kot el klou el kerrekar el bla mesang. Mlechesii a ngklel.

3. Mlechesii a kot el kekere el klalo el bla mesang. Mlechesii a ngklel.

4. Mlechesii a kot el kekere el charm el bla mesang. Mlechesii a ngklel.